



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCCLXXXIX. Bischof Dieterich von Lebus bestätigt die Stiftung von Messen für Christoph Brunzlow, welcher dem Kaland ein neues Haus gebauet hat, am 21. Dezember 1507.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

CCCLXXXIX. Bischof Dieterich von Lebus bestätigt die Stiftung von Messen für Christoph Bruntzlow, welcher dem Kaland ein neues Haus gebauet hat, am 21. Dezember 1507.

Theodericus, dei et apostolice sedis gratia Episcopus ecclesie Lubucensis et vniuersis et singulis presentes nostras litteras inspecturis, lecturis pariter et auditoris Salutem in domino sempiternam. Ad vniuersitatem vestram deducimus deducique volumus per presentes, Quod venerabiles nobis in christo dilecti Senior et confratres fraternitatis kalendarum in opidi Franckfurt, nostre dioecesis, nobis quendam missorensis institutionis formam ob edificationem atque structuram domus noue kalendarum ab honorabili nobis fideli Cristoffero Bruntzlow, incola eiusdem opidi factam presentarunt, Cuius tenor in lingua germanica sequitur et est talis: Dem hochwirdigen in gott vatter, Furten vnd hern, hern Ditterichen, Bischoue zu Lubus, vnserm gnedigen hern. Wir Nicolaus Rochlitz, der freyen kunst Magister, der heiligen schrieft Licentiat, vnd Albertus Pulman, Senior vnd alle hern der Bruderschaft des kalants zu Franckfurt, vnser junigs gebet vnd bitten Ewer furstlichen gnaden zu wissen vnd bekennen vor ydermenniglich, vor vns, vnser nachkomen der Bruderschaft des kalandts obingemelt. Nachdem wir den geystlichen vnd andechtigen vettern in der Carthaus vor Franckfurtt eyn wuste houestat, die neben dem alten kalandt hawtz vnd kirchhoue gelegen, abgekauft vnd dieselbige zw bawen vnuermoglich gewesen, Das der Erlam vnd fursichtig Cristoff Bruntzlow, Burger zw Franckfurt, In betrachtung seiner selen saligkeyt, gott dem almechtigen vnd seiner hochgelobten Mutter Maria zw lobe vnd ehren vnd vns zu nutz vnd fromen, gedachte houestat auffgericht vnd vngeferlich Sechs hundert gulden Reinisch daran verbawet vnd dasselbig hawtz gefertiget vnd zw seinem Testament gemacht, Also das wir vnd alle vnser nachkomeling zw ewigen zeiten die besytzung, Eygentumb vnd possessien gemelts hawtz haben vnd behalten sollen, wie Er vns auch dasselbig mit freyen willen, wolbedachtem gemüte gantz vnd gar verreycht, vbergeben vnd eingerewmet hat, zu gebrauchen, gleich ob wir dasselbig vmb vnser eigen gelt gekauft vnd gebawet hetten. Alleyn het Er Ime vorbehalten, das Er die zeit seines lebens vor sich vnd seinem gebrauch die habitationes vnd wonung, die ob den Thorwege findt, bisz an das Tach darinnen selbst personlich zu wonen oder eynen andern, der doch priester oder in einem Jhare priester vnd mitbruder obingemelter Bruderschaft werden soll, darin zw setzen, Der dan neben andern Inwonenenden priestern des hawfles die burde vnd haldung der messen hienieden berurt zu thund schuldig sein soll, Doch das her Cristoff Riegeler, dieweil Er desselben Cristoff Bruntzlow s wonunge jnne haben wirt, obingeschrieben burde vnd anders derselben wonung halben soll vberhaben sein. So dan billich eyn wolthat vmb die ander geschicht, Demselben nach haben wir obingenant Senior vnd ander Bruder vns mit offgedachten Cristoff Bruntzlow bas auff Ewer furstlichen gnaden mitwissen, gnedigen willen, volwort vnd nachgeben gutlich vereynigt vnd vtragen, Also das wir vnd vnser nachkomeling vmb soliche mylde gabe, freye donation vnd wolthat one verzog anzuhoben vnd hinfurtter zw ewigen gezeiten alle wochen drey ewige messen, eyne von dem lyden vnser hern, die ander von der Mutter gotts, die Drytte vor die selen hernachgeschriben Vnd dannoch in den andern beyden messen berurt eyn Collect auch vor dieselbe Selen vnd fundator, Inlegen, durch vns kalandts hern vnd Bruder auff vnser des kalandts Altar zw Franckfurt in vnser lieben frawen kirche halten vnd lesen lassen wollen vnd sollen, Sunder eynich verfeummus oder nachlassung Zwforderst mehrgedachten Cristoff Bruntzlow, seiner ver-

storbenen hawfzfrauen, vatter, Mutter vnd all denjennigen, den durch Cristoff Bruntzlow solichs zw gute gescheen ist, Sie seyen am leben oder tode, welcher namen by gote dem almechtigen wol bekant sein, zw trost vnd zw Irer selen saligkeyt, vnd so Cristoff Bruntzlow von diesem Jhamertaell, das got der almechtige zw seiner selen saligkeyt lange fristen wolle, scheidt wurde, Sollen vnd wollen wir seinen verstorbenen leichnam nach gewonlicher weise begraben, mit vigilien vnd selemessen ehrlichen begeen vnd nachfolgendt, wan die Jharzeit seins abgangs kommet, wollen vnd sollen wir den ehegemelten Cristoff, Elizabeth vnd Walpurgis, seine hawfzfrauen seligen, Seine vatter, Mutter vnd alle die Ime verwandt gewesen, welcher Namen gote bekant, vnd die das Ire darzw geben haben, eyn ewige Jerliche gedechtnus vnd Memorien mit vigilien vnd Selemessen halten vnd loblichen begeen. Dis alles von Artickel zw Artickel haben wir Senior vnd die gemeyn Bruderfchafft des kalandts vor vns vnd vnser nachkomeling bas vff Ewer furstliche gnaden gnedig volwortt vnd nachgeben eyndrechtlich zugesagt vnd verheyschen, Derhalben wir sampt Cristoff Bruntzlow Ewer furstliche gnade als vnfern gnedigen hern vnd Ordinarien mit sonderlichem demutigem fleisz ersuchen vnd bitten obingeschrieben fundation, donation, erection vnd ordination gnediglich anzunemen, zu bestetigen vnd zu confirmiren vnd dasselbe obinberurte hawfz als eyn Erbe des almechtigen gotts in geystlichem schutz zunemen. Das wollen wir vmb Ewer furstlich gnade gegen got fleillig furbitter sein vnd mit vnfern gehorsamen diensten alzeit willig verdienen. Nos igitur Theodericus, Episcopus prefatus — Supplicationibus huiusmodi — annuentes — confirmauimus. — Datum Lubus, vicesima prima mensis Decembris, Anno domino MD^o septimo.

Nach dem Orig. des Stadtarchives VIII, 3, 42.

CCCXC. Des Rathes zu Frankfurt Gewerbsprivilegium für die Hutmacher, vom Jahre 1507.

Wir Borgermeister vnd Ratman der Stad Franckfurt an der Oder, mit Namen Peter Schwab, Jacob Sporn, Al Richter, Jacob Beyr, Hans Nickart, Bastian Doring, Nickel Kyne, Albrecht Bucholts, Steffan Wins, Hans Rademan, Caspar Tziller, thun kund öffentlich vor vns alt vnd newe des Rats vnd alle vnser des Rats nachkomende vnd sunst vor Ydermeniglich, die disen vnsern offen Brieff sehen, horen oder lesen, hirmit bekennende, das vor vns sitzende jme Rat zu mhermalen irschynen synd die vorsichtign vnser Bruder jung vnd alt des gantzen Handwercks der Hutmacher, vnd haben manchfeldige ire Gebrechn vnd Irthum, so sich etwan lange Tzeit vff irem Handwerk tzwischen Meister vnd Gfellen begebn vnd Innen ghalten elagende entdeckt vnd irsucht mit anhangender Bete ire Handwerksgewonheit vnter etlichen Puncten vnd Artikeln jm gestalt irer selbst Wilkur, irem Handwerk eynig zu geben vnd bestetigen. Dieweil wir aber gantz geneigt, vnd wil sich wol eigen, Widerwil, Tzwitracht vnd Irthum vnser Borger zu wendn vnd keren vnd ir bestes Wissen, haben wir angefehn ire vleiflige vnd mogliche Bete, auch ire willige ghorfame Dinft, so sie verschyner zeyt aus schuldigen Pflichtn gemeyner Statt willig vnd gerne gethan vnd in tzukunftign Tzeitn nochmals gered vnd gelvbet zu thun, derhalb wir in dise her-